

NAMIBIA SENIOR SECONDARY CERTIFICATE

FIRST LANGUAGE OSHINDONGA ORDINARY LEVEL 4106/3

PAPER 3 Literature

2 hours

Marks 60

2017

Additional Materials: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **three** questions, **one** from Section A **Poetry**, **one** from Section B **Prose** and **one** from Section C **Drama**. Of the three answers, **one** must be an essay.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

OMALOMBWELO NOMAUYELELE KAALONGWA

- Nyola omayamukulo goye membo lyomayamukulo ndyoka wa pewa.
- Nyola Onomola yOsenda, Onomola yEkonakono nEdhina lyoye kembo lyoye lyomayamukulo.
- Nyola nopena ombulawu nenge onduudhe.
- Ino longitha okadhimitho komeya.
- Yamukula omapulo **gatatu**, **limwe** okuza metendo lyaA **lyUutewo**, **ekwawo** okuza mEtendo lyaB **lyOoprosa nekwawo** otali zi mEtendo lyaC **lyOodrama**. Epulo **limwe** lyomwaangono gatatu nali kale ekwakuhololwa.
- Kotokela esipelo lyiitya, elongithonawa lyiileshitho netungo lyomatumbulo.
- Omwaalu gwiitsa ogwa gandjwa miikondekithombine [] konima yepulo kehe nenge yoshitopolwa shepulo.

This document consists of 7 printed pages and 1 blank page.



Republic of Namibia
MINISTRY OF EDUCATION, ARTS AND CULTURE

ETENDO A: UUTEWO

Metendo ndika hogolola mo epulo **limwe** alike.

- 1 Lesha nawa okatewo haka ka kuthwa mu**Ndilimani Omutotiitewo** ku **P. Amunyela** e to yamukula omapulo taga ka pulwa kuko.

Namibia lyetu

Shilongo shomapenda, shookukulululwa
Twe shi thigilwa, nuunkulungu
Twaaye shi gandje kumuntu
Shila omiikaha yaKalunga
Omusilishimpwiyu gwetu nomuululu.

Shilongo sha tatwa koombuga
Futa nomilonga okoooha
Omo mwa kal' omapenda
Ooyene ye n' uundjumbeta
Taa helel' oshilongo paupenda.

Kelongo ndyo li n' elago
Shilongo nda yuulukwa ko
Ngoyendji ye hole yawo
Uuyamba apehe u li mo
Shilongo koyendji sha lililwa

Namibia lyetu tu yambuleni
Montopo tse tu zeni
Ngiikwawo shi hepuluke shili
Musho mu shenekel' ombili
Namibia, uushili tu lelitha.

- (a) Ovelise yinipo tayi holola unene omaiyuvo gomuteyi kombinga yaNamibia? Shi yelitha. [4]
- (b) Omuteyi gwokatewo haka ogwoludhi luni? Gandja omatompelo **gaali**. [3]
- (c) Holola niitsa **iyali** tayi ulike omaiyuvo gomuteyi nkene Namibia e na okuyambulwa po. Shi koleka. [4]
- (d) Yelitha niitsa **iyali** kutya omuteyi okwa longitha ngiini elaka lyokatewo haka, opo e tu holole uuyamba waNamibia. Gandja omatompelo. [4]
- (e) Oshipalanyolo noshikalimo shokatewo haka otashi tsu tuu kumwe? Shi yelitha niitsa **iyali**. [3]
- (f) Omuteyi okwa hala oku tu lombwela shike sho ta ti: "montopo tse tu zeni"? Shi yelitha. [2]

[20]**NENGE**

- 2 Lesha nawa okatewo haka ka kuthwa mu**Mombago yomukongo**: ku**Hans D. Namuhuja** e to yamukula omapulo taga ka pulwa kuko.

Oshamba nOmandongo taa kundathana

Muuyuni wotango omwa li aapangeli,
Oondjamba oonene odha li aatilithi.
Mambungu noonime otaa tuwalala,
Miishitwa iikwawo otaa simanekwa.
Twa tala notwa ti, mbak' oy' aapangeli.

Muuyuni wa landula omwe ya lunkima,
Okashitwa koondunge, ka shitwa ka shitika.
Noonyala ota kwata oyana okwa kwiinina
Twa tala notwa ti, Lyoonyoka Iya tsu Lyoomba.
Nena ndjika lunkima a ning' omupangeli.

Muuyuni uutitatu omwe ya Aakwankala.
Ye ya ya yooloka miishitwa ayihe.
Omulilo gwokutema otaa huhulukwa.
Oondunge nuunongo ongaashi oKalunga.
Twa tala notwa ti, mbak' oy' aapangeli,

Muuyuni uutine omwe ya Oonuugwedha.
Aantu yaNamukolo munene gwaaShitenda.
Oye ya ye niimuna noombuto taa kunu.
Taa pula omayana, omo ya ka henyage.
Twa tala notwa ti, mbak' oy' aapangeli.

Muuyuni uutitano mwe y' aantu aatokele,
Ya kuutumba metemba Iya hilwa koongombe.
Twe ya pula notwa ti, aayenda yashike ne!
Oya popi noya ti, ts' aayenda yoomwenyo,
Tatu igidh' ekulilo Iyaashitwa yaKalunga.

*** PaSakeus Efraim ***

- (a) Holola omikalo dha longithwa komuteyi tadhi ulike omaiyuvo ge kombinga yuuleli mokatewo haka.

Shi ninga niitya **125 – 150**.

[10]

- (b) Omuteyi okwa longitha ngiini omudhingoloko, opo e tu etele puuyelee etumwalaka lyokatewo ke?

Shi hokolola niitya **125 – 150**.

[10]

[20]

ETENDO B: OOPROSA

Metendo muka yamukula mo epulo **limwe** alike lya kuthwa mu**Filemon Elifas** ku **H. D. Namuhuja** nenge mu**Yokomotunda ya theta** ku **H. Kangalange**.

3 Lesha okahokololo haka ka za mu**Filemon Elifas** ku **H. D. Namuhuja**, e to yamukula omapulo taga ka pulwa.

Ehalo lyokukonga iinima lya tameke okukoka muye. Esiku limwe oya yi kOshana yo naDaniel yUugwanga. Nando a li ngaa okamati natango, okwa holola kutya ye omulumentu. Ondjala kee na nayo, enota ihaali ti ko sha kuye. Okwa li oshikokota. Shuumbwa ina putukila owala muuwa wahe nayina. Okwa li ha ka menekela kOkaonde, hoka oko wo i ilongele uulumentu. Uukambe auhe mbu wa li uukolokoshi oyo ya li haa u pewa ye u dheule. ‘Tashi ya kashi mu penge, kashi mu thigile funda’.

Shuumbwa sho a hokana omukadhona gwe Martha, inaa kala mEpale, oya yi ya ka kale kOnamungundo. Shuumbwa okwa pewa Oniihandi, omukunda gwaNegonga lyaKambonde. Omo a tungu tango egumbo lye. Epya lyaNegonga olya li li na ongwena oyindji. Shuumbwa a tameke okufula ongwena, oshoka iilonga yokomake okwa li e yi hole nkene a za.

Shuumbwa okwa ka hogololwa komalenga gomOndonga a landule omumwayina Paulus melelo lyOndonga. Pethimbo tuu ndyoka okwa pingene pehala lyaPaul mOlaata Ogandjimpango yOwambo. Aandonga oya li ya nyanyukwa sho ya pewa ishewe omukwaniilwa. Shuumbwa okwa kala a kotoka opo kaa pumathane nEpangelo lyAatiligane, oshoka ngele ita longele kumwe nayo, otaye mu umbu ko koshipundi nando ona kale a halika koshigwana shAandonga.

Aatiligane sho ya mono kutya Shuumbwa okwa fa ngaa e shi okulongelwa kumwe naye, oya tokola ye mu kolekele oshipundi shuukwaniilwa, omukalo ngu omupe opo gwa tamekwa. Ekoleko lyomukwaniilwa olya longekidhwa li ningilwe pOluno, mpo pu na ombelewa yoshilongo.

Esiku limwe omukwaniilwa nomunyekadhi oya li ya geyelathana noonkondo. Osha zi mpa, aniwa omukwaniilwa okwa yile komatelekela kOshitambi, ihe ina ya nomunyekadhi. Okwa kutha ngaa okafuko kamwe. “Omolwashike omufuko ngwiya a yile, nenge pamwe omufuko ngono ote mu ende mevi. Ongula onene yOsoondaha, Martha okwa menekitha okanona ke ki ithane kuume kawo kopothingo. Kuume kawo sho a thiki muuwa, okwi ithanwa kondunda yomalovu. Omunyekadhi oye e ya e mu popithe tango, oshoka omukwaniilwa ka li mo ethimbo ndyo.

Omukwaniilwa sho a thiki posheelo shondunda yomalovu, okwa tameke okupopya ta ti: “Olye ano a lala egumbo lyandje manga ndaa mo?” “Ongame tate”, osho kuume kawo a yamukula. Omunyekadhi okwe ya wo kondunda yomalovu a popithe omukwaniilwa. Omanga ye li ayeke yatatu kondunda, kuume kawo okwa kala te eta omafalo ogendjigendji sigo a pula ngele osho a galuka kOshitambi. “Ndu uvu taku ti omunyekadhi oko a li. Ta popiwa ngaa nokAashitambi.” Kuume kawo ta pula. “Aawe ka li ko,” omukwaniilwa osho a yamukula newi eshona. “Ihayi tila mulenge gwayina. Ngame itandi tila oku ku lombwela. Ngele to yi kiituthi nenge komatelekela gontumba, ino thiga po we meme. Ngele owi ithanwa koshituthi noshAatiligane inda nameme omunyekadhi. Mu simanekitha”.

Esiku limwe Omukwaniilwa Shuumbwa, kwaa yi kOnamagongwa, mpo kwa li e hole unene. Uukuume wawo naTomas Philippus, owa li wa fa waDavid naJonatana. Omukwaniilwa Shuumbwa sho a thiki pOnamagongwa, oya thikile mombootolo. Omo ya kala ya thikama oshoka kamwa li iipundi. Inapu pita unene ethimbo ele, Tomas Philippus okwa zi mo, opo a ye a ka konge omahalasa, opo omukwaniilwa a wape a ka kuutumbe mela limwe. Pokati kombootolo nostola ndjono, opwa li pu na ekambamba lyaNamagongwa lya thikama. Itashi vulika u ende mpoka inoo mona shoka shi li po. Kapwa li omaholameno. Omukulu gwonale osho a ti 'Tashi li ekunde omekunde shi li'.

- (a) Gandja iitsa **itatu** tayi holola kutya aantu kaya li yu uvitile ekwatathano pokati kaFilemon Elifas nEpangelo lyAatiligane ombili mehokololo ndika. Gandja wo omatompelo. [6]
- (b) Martha Pinehas okwa hololwa mo omuntu guukwatya wa tya ngiini mehokololo ndika? Shi yelitha. [2]
- (c) Gandja iitsa **iyali** tayi holola Filemon Elifas kutya okwa li omwiifupipiki melelo lye. Shi koleka. [4]
- (d) Omunyoli okwe ku penduthile omayiuvo geni kombinga yaTomas Fillipus mokambo haka? Shi yelitha niitsa **iyali**. [4]
- (e) Omulumentu okwa hololwa mo omuntu a tya ngiini mehokololo ndika? Shi yelitha niitsa **iyali**. [4]

[20]

NENGE

4 Yokomutunda ya theta ku H. Kangalange

Hokolola nokundjandjukununa iiningwanima mbyoka omushangi gwehokololo ndika **Yokomutunda ya theta** a holola, opo e ete puuyelele kutya mokwiitula miilonga ohamu zi iiyimati iiwanawa shili.

Shi ninga niitya **250 – 300**.

[20]

ETENDO C: OODRAMA

Metendo muka yamukula mo epulo **limwe** alike Iya kuthwa mu**Inga** ku **A. T. Ndjembo** nenge m**Okanona mondhikwa yemwanka** ku **A. T. Ndjembo**.

5 Lesha okatendo haka ka za m**Okanona mondhikwa yemwanka** ku **A. T. Ndjembo**, e to yamukula omapulo taga ka pulwa.

Nekwaya: (*ti ipopile pegumbo lye*) Muhongi a menekela maandjetu, oshike mbela?

Muhongi: Onde ya po kuume tandi kongo ekwatho. Tu na ngaa kakadhona gwetu, Pandu, ha mono iihuna yoolefa okuya kosikola kOnakamwandi, ando wu tu kwathe ngaa wu kale ho mu faalele.

Nekwaya: Osikola yooPandus, oyi li popepi noklaba yandje. Ohandi zi ko mEtitano kehe, nohe shuna mOsoondaha komatango. Na kale ha tseyithile ndje manga kuye.

Muhongi: Tangi unene kuume. Kombinga nee yofuto, ongiini?

Gwamuhongi: Pandu! Pandwee!

Pandu: Iyaloo tatee! Ote kala handi ende moRAIDER, yatate Nekwaya.

Muhongi: Sho ngaa wu wete twi itula mo tse nameme oku ku kongela omakwatho ngawoo, osho wo twa hala to vulika. Kala kokule noondjila dhomilema. Vulika koshipango oshitihamano. Iyageka omaulunde, ano okukala naalumentu. Kala kokule nookoondoma. Kotokela omahongololo.

Gwamuhongi: Pandu tondoka mu ka ye.

Megameno: (sho Pandu ta heluka mohauto. KuNdina a kumwa) Ndina, omeho gandje otaga fundju ndje shila.

Pandu: Ooh! Ote zi mwaandi lyomusamane gwomushiinda shetu. Tate Nekwaya! Mwene gwoklaba nda kongelwa kutate. Ngame kandi shi gwiinima mbyoka. Ngele onde yi ningi, otandi uvitha aakuluntu yandje nayi. Ngame noho onda tila omapunda.

Megameno: Oshili Pandu ngele owa kala waa na efelende, ito koko. Oto kala ashike elayi Iyo Iyenelyene.

Pandu: Epunda olyoye tate Nekwaya.

Nekwaya: Inda mani! Omuholike gwashike? Ho, oye e ku pe ndje. Owa li to ti, ohauto yandje, nooVindox dhandje, ndhi wa kala ho pula wu pewe moklaba, oto dhi nu oshali? Inda! Nandi mone wa yela po mpa! Ngweye mwene owa fa wu na omutse omukukutu ndi shi? Ongola, otayi vulu oku ku uvitha ko. (Te mu dhenge nongola).

Pandu: (a lulilwa koongola) Yayee! Wuuu! Ombili tate Nekwaya! Itandi shi yelekele we! Ombili tate! (ta pi koongola) Ombili mumati gwandje. Opuwo nee!

- (a) Holola niitsa **itatu** nkene omushangi e eta puuyeleele uukwatya waNekwaya mehokololo ndika. Shi koleka. [6]
- (b) Omushangi okwa hala oku tu longa shike mehokololo lye sho Nekwaya a heke Pandu ya ye kOshomeya noku mu pa oopela dhopanado? Shi yelitha niitsa **iyali**. [4]
- (c) Omunyandi guni wa panda unene, nomunyandi guni wa panda kashona mehokololo ndika? Shi yelitha niitsa **iyali** komunyandi kehe. [6]
- (d) Gandja iiningwanima **iyali** tayi ulike ethigilofogo ndyoka u na sho wa lesa oshinyandwa shika. Shi koleka. [4]

[20]

NENGE

6 Inga ku A.T. Ndjembo

Hokolola nokuyelitha nkene omushangi a longitha ekwatathano pokati kaNdeshimona naPombili mehokololo ndika **Inga**, opo e ete puuyeleele etumwalaka lyehokololo lye.

Shi ninga niitya **250 – 300**.

[20]

BLANK PAGE